

# Program Sua Muka tingkatkan hubungan dua hala kerajaan - rakyat

Oleh : Dk. Siti Redzaimi Pg, Haji Ahmad  
Foto : Mohd. Sahrizal Haji Said

**BANDAR SERI BEGAWAN,** Sabtu, 17 Ogos. - Program Sua Muka atau lebih dikenali Personal Contact yang dikendalikan oleh Jabatan Penerangan, Jabatan Perdana Menteri melalui Unit Hubungan Masyarakat, Bahagian Kenegaraan dan Kemasyarakatan diteruskan lagi pada hari ini bagi Kampung Lambak 'A'.

Perjumpaan diadakan di kediaman Pemangku Ketua Kampung Lambak 'A', Awang Haji Ibrahim bin Haji Abd. Rahman di Kampung Lambak 'A'.

Menggetuai rombongan jabatan, Pegawai Penerangan selaku Ketua Unit Hubungan Masyarakat, Bahagian Kenegaraan dan Kemasyarakatan, Awang Muhd. Khairulhadi bin Haji Muhd. Muhtadid.

Antara yang hadir semasa perjumpaan tersebut, Pemangku Ketua Kampung Lambak 'A' dan Ahli-ahli Majlis Perundingan Kampung (MPK) juga penduduk-penduduk kampung.

Program, antara lain bertujuan

untuk meningkatkan hubungan dua hala di antara pihak kerajaan - rakyat dan rakyat - kerajaan, selain menyampaikan maklumat (isu-isu semasa) dan dasar kerajaan, di samping menerima maklum balas yang perlu diambil perhatian dan tindakan oleh pihak-pihak yang berkenaan dalam kerajaan.

Ia juga bertujuan bagi membariskan maklumat dan program juga perkembangan dan kemajuan mukim melalui akhbar Pelita Brunei.

Antara isu-isu yang dibangkitkan, mengenai penyediaan prasarana dan kemudahan awam, hal ehwal kebajikan, keselamatan dan perekonomian penduduk setempat.

Pihak jabatan juga mengongsikan maklumat seperti petikan-petikan Titah Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam yang menyentuh mengenai hubungan raja dengan



**PROGRAM** Sua Muka atau lebih dikenali Personal Contact yang dikendalikan oleh Jabatan Penerangan, Jabatan Perdana Menteri melalui Unit Hubungan Masyarakat, Bahagian Kenegaraan dan Kemasyarakatan diadakan di kediaman Pemangku Ketua Kampung Lambak 'A', Awang Haji Ibrahim bin Haji Abd. Rahman di Kampung Lambak 'A'.

rakyat; perekonomian, kesecjahteraan dan pembangunan hidup rakyat dan negara; Bendera Negara, Akta berkaitan berita palsu; mengamalkan sikap bergotong-royong dalam isu

kebersihan dan program-program jabatan di bawah Unit Hubungan Masyarakat. Kampung Lambak 'A' mempunyai seramai 4,750 orang (setakat Banci Penduduk Tahun

2018) dan keluasan sebesar 6.075 kilometer persegi.

Sementara produk hasil kampung berkenaan yang diusahakan oleh MPK ialah Kraf Tangan (Tenunan).

## Mempromosikan penBORNEO sebagai destinasi pilihan

Siaran Akhbar : Pusat Sejarah Brunei

**BANDAR SERI BEGAWAN,** Sabtu, 17 Ogos. - Program Sesi Ceramah@penBORNEO Siri Ke-7 merupakan projek tahunan anjuran Bahagian Pusat Pengkajian Borneo (penBORNEO), Pusat Sejarah Brunei (PSB) dengan kerjasama Universiti Islam Sultan Sharif Ali (UNISSA).

Program Sesi Ceramah@penBORNEO Siri Ke-7 sebagai salah satu usaha untuk membariga kepentingan sejarah serta mempromosikan penBORNEO sebagai destinasi pilihan untuk membuat kajian dan penyelidikan Borneo selaras dengan visi dan misi penBORNEO.

Antara objektif Program Sesi Ceramah@penBORNEO Siri Ke-7 ini adalah memberi kefahaman yang jelas kepada pegawai-pegawai kerajaan dan mahasiswa-mahasiswa serta orang ramai tentang kepentingan ilmu sejarah untuk dipelajari dan dikaji.

Di samping itu, ia juga dihasratkan dapat memberikan pendedahan dan menarik minat generasi belia untuk membuat kajian dan penyelidikan di penBORNEO serta memberikan peserta kemahiran berfikir dan menganalisa fakta sejarah secara rasional, membuka minda untuk meminati sejarah dan merangsang peserta untuk memberikan respons atau feedback.

Menerusi program seumpama ini juga, penceramah boleh memberikan wawasan yang luas daripada sumber rekod yang terdapat di penBORNEO

khususnya manuskrip sesuai dengan tema Sesi Ceramah@penBORNEO kali ini iaitu "Manuskrip Islam di Borneo".

Para jemputan untuk Sesi Ceramah@penBORNEO kali ini adalah terdiri daripada beberapa pegawai daripada jabatan-jabatan di bawah Kementerian Kebudayaan Belia dan Sukan; Jabatan Mufti Kerajaan; penerbit-penerbit serta mahasiswa-mahasiswa institusi pengajian tinggi iaitu UNISSA, Kolej Universiti Perguruan Ugama Seri Begawan dan Universiti Brunei Darussalam serta guru-guru sejarah daripada sekolah-sekolah menengah kerajaan.

Pada program yang berlangsung di Pusat Pengkajian Borneo, Simpang 394, Blok 31, Bangunan Flat Kerajaan Anggrek Desa, Jalan Berakas, majlis dimulakan dengan bacaan Surah Al-Fatihah dan Doa Selamat.

Diikuti dengan ceramah bertajuk "Sumbangan Peradaban Arab-Islam Terhadap Kebudayaan Melayu Melalui Manuskrip Jawi-Borneo" yang disampaikan oleh penceramah jemputan iaitu Profesor Adjung daripada Fakulti Pengurusan Pembangunan Islam, UNISSA, Profesor Dr. Mahyudin bin Yahaia.

Acara diteruskan dengan lawatan ke mini pameran dan ke ruang rujukan penBORNEO untuk melihat perkhidmatan rujukan serta bahan-bahan rekod yang terdapat di penBORNEO.

## DBP 'bedudun' ke Sekolah Rendah Panaga

Berita dan Foto : Noraisah Haji Muhammed

**SERIA,** Sabtu, 17 Ogos. - Dewan Bahasa dan Pustaka (DBP) menganjurkan Hari Terbuka sebagai salah satu usaha DBP, khususnya Bahagian Perpustakaan untuk meningkatkan penggunaan perpustakaan dan sekali gus mempromosi perkhidmatan juga kemudahan yang disediakan kepada orang ramai.

Antara aktiviti yang diadakan pada Hari Terbuka DBP, mengadakan acara 'bedudun' dengan mengunjungi Sekolah Rendah Panaga, di sini.

Pelbagai aktiviti dikendalikan semasa acara tersebut yang memberikan peluang kepada guru-guru juga murid-murid dari Tahun 1 hingga Tahun 5 untuk menyertai aktiviti yang disediakan sambil membeli buku-buku terbitan DBP.

Acara yang dikendalikan menunjukkan betapa pentingnya perpustakaan dalam menjadi media utama untuk menyebarkan dan mendapatkan sumber maklumat, selain berperanan dalam menyampaikan peranan juga fungsi perpustakaan menggalakkan budaya membaca

pada era teknologi masa kini.

Dengan adanya acara seumpamanya dihasrat akan dapat menggalakkan masyarakat mesra perpustakaan dan merealisasikan Wawasan Negara 2035 ke arah melahirkan masyarakat Brunei yang berilmu pengetahuan, bermaklumat dan berdaya saing.

Ia juga dihasratkan dapat membina publisiti dan promosi berterusan bagi meningkatkan kesedaran program galakan membaca.

Dalam temu bual Pelita Brunei bersama kakitangan DBP, Pengiran Hajah Rosenani binti Pengiran Haji Halus berkata, Hari Terbuka DBP mendedahkan para pelajar bahawa DBP juga berusaha membantu menambah pengetahuan dan mencambah minda pelajar, selain usaha yang dilaksanakan oleh guru-guru di sekolah.

Sementara itu, dalam tinjauan Pelita Brunei ke Perpustakaan Seria mendapati bahawa aktiviti Hari Terbuka DBP bermula hari ini dengan mengadakan aktiviti bersesuaian bagi merapatkan lagi hubungan dalam kalangan



**KAKITANGAN** Dewan Bahasa dan Pustaka, Pengiran Hajah Rosenani binti Pengiran Haji Halus.

kakitangan dan pengunjung perpustakaan.

Pelbagai pertunjukan dan pameran diungkuhkan bagi penyertaan para pengunjung, selain memberi peluang kepada para belia untuk mempromosikan jualan aneka barangan, makanan dan minuman.

Aktiviti yang diungkuhkan oleh DBP sejak tahun 2015 itu diharap akan dapat membuka mata masyarakat mengenai keberadaan Perpustakaan DBP Seria yang tidak diketahui lokasinya.

Pelita Brunei juga mememubal Pembantu Perpustakaan Tingkat 1, Perpustakaan DBP Seria, Dayang Norhafizah binti Mustafa yang berkata, usaha seumpama itu dihasrat akan dapat menarik minat orang ramai untuk lebih kerap berkunjung ke perpustakaan dan dapat meningkatkan kesedaran akan pentingnya membaca dalam kehidupan seharian kerana tidak semua maklumat yang diperoleh daripada internet adalah benar.



**PAMERAN** buku-buku terbitan DBP di Dewan Sekolah Rendah Panaga mendapat perhatian pengunjung.